

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Imm. 02 Allaffeqarfimmiit paasissutissiineq

Imm. 03 Kommuniq pilersaarusiordfigineqarnera 19 sanaartordfigissaaneq, C15+A26 Akia

**Imm. 04 Ukioq 2019-imi Maniitsumi Sisimiunilu kuuffissuarnut nutaanut
aningaasaliissutinik agguataarineq**

**Imm. 05 Kangerlussuarmi Illorput 2100-nut pingasunut aammalu Maniitsumi illunut
sanaartoriaannarnut inuinnarmut ataatsimut 2018-imi illunut sanaartoriaannarnut
ataatsimoortumik aningaasaliissutinit agguassineq**

**Imm. 06 Nalunnguarfimmi qamuterallannik ingerlaartoqartarnera pillugu Nalunnguarfiup
eqqaani najugaqartut maalaarutaat**

**Imm. 07 Sisimiuni puttasunik pilersaarusiornissamik ataatsimiititaliami ilaasortap Emilie Olsen
siunnersuutaa pillugu paasissutissiissut**

**Imm. 08 2019-imi Teknikkeqarnermut Aatsitassarsiornermut Avatangiisinullu Ataatsimiititaliap
ataatsimiiffissaanik aalajangersaaneq**

Imm. 09 Nutarsaanermit aningaasaliissutaasunit 2019-imut Sisimiunut agguassineq

Imm. 10 Tamalaat

Ataatsimiinneq videokonferenci atorlugu ingerlanneqarpoq aallartillunilu nal. 08.41

Peqataasut:

Siumut

Frederik Olsen
Karl Lyberth

Atassut

Karl Davidsen – Emilie Olsen-imut sinniisussatut.

Inuit Ataqtigiit

Sofie Dorthe Olsen

Nalunaaruteqarlutik peqataanngitsut:

Gideon Lyberth
Emilie Olsen

Nalunaaruteqaratik peqataanngitsut

Imm. 01 Oqaluuserisassat akuersissutigineri

Akuersissutineqarpoq.

Ataatsimiititaliap siulittaasua kissaateqarpoq, ataatsimiititaliap ataatsimiinnginnermi allaffeqarfillu naapittarnissamik kissaateqarpoq.

Imm. 02 Allaffeqarfimmiit paasissutissiineq

Hans Ulrik Skifte Sisimiut - allaffeqarfimmiik paasissutissiivoq.

Ole Thor Maniitsoq – allaffeqarfimmiik paasissutissiivoq.

Imm. 03 Kommunip pilersaaruseriorfigineqarnera 19 sanaartorfigissaaneq, C15+A26 Akia.

Journalnr. 06.01.03 sanaartornermut missingersuutit atuiffik 77-15

Tunuliaqutaq

Kangerluarsunnguami puttasuliinissamut periarfissaqarluni, Akiani najugaqarfissiamut A26 ataatsimoorussamillu siunertamut C15-imut kommunip pilersaaruseriorfigineqarnerani tapiliussaq nr. 19, 2018-imi februaarip 22-ani kommunimit suliarineqarlunilu akuersissutigineqarpoq.

2018-imi februaarip 13-iani Aningaasaqarnermut ataatsimiititaliap ataatsimiinnerani imm. 5-imi, atuiffik 72-93 Puttasuniit atuiffik 77-15 aqqusineq asfaltigaanngitsumut 264.000 koruunit nuunneqassasut aalajangiunneqarpoq. Ilaatigut kangerlummi imminnermini oqquusumi puttasuliinissamut periarfissarsiorinissaq kiisalu kommunip pilersaaruseriorfigineqarnera naapertorlugu sanaartorfigissaanerup pilersaaruseriorinissaa tunngavigineqarput. Aningaasaqarnermut ataatsimiititaliap aalajangiivoq, 2019-imut missingersuusiornermut atatillugu, suliniummut annertunerusumut aningaasaliinissamut pisariaqartitsinerit, kommunip pilersaaruseriorfigineqarneranut tapiliussaq nr. 19-ip nutaamik akuersissuteqarneranut missiliuutitut tunngassuteqartut, UTRM-imit salliuunneqassasut.

Tamatuma kingorna siuliani aningaasaliissutit taakkartorneqartut naapertorlugit, kommunip pilersaaruseriorfigineqarneranut tapiliussaq naapertorlugu sanaartorfigissaanissamut pilersaaruseriornerit aallartinneqarput, oqaluserisassatullu immikkoortumi matumani kommunip pilersaaruseriorfigineqarneranut tapiliussaq nutaaq suliarineqartoq naapertorlugu, annertunerusumik aningaasaliissuteqarnissamut pisariaqartitsineq pineqarluni.

Atuiffik 77-50-00 sanaartorfigissaanermut kommuni 2019-imut 7 mil. koruuninik kiisalu ukiumi 2020-mit 22 tikillugu ukiumut 8 mil. koruuninik aningaasaliissuteqartoqarluni.

Maleruagassatigut tunngavissat

Sanaartorfigissaaneq kommunimit suliaaavoq, pingaarnertulli pilersuinerit attaviliinernut, Nukissiorfinnut isumaqatigiissuteqarnikkut akiliisitsisoqarsinnaalluni. Suliffeqarfiup iluani sanaartorfigissaanermut aningaasartuutit immikkoortumi sanaartorfissanut aggulunneqarnikuupput. Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq

Pissutsit atuuttut

Atuiffik 77-15-10-mut siusinnerusukkat aningaasaliissutinit, taamanikkut kommunip pilersaaruseriorfigineqarneranut tunngaviusimasumit qartiterisimanermit ujaqqat atorlugit aqqusinniorortoqarnikuuvoq. Tamatuma kingorna kommunip pilersaaruseriorfigineqarneranut tapiliussaq nr. 19 suliarineqarpoq, aqqusinniorneqareersorlu umiatsianut inissiivimmik, Kangerluarsunnguamilu puttasunik pilersitsinissamut aqqusinertut appakaaffissatut immikkoortinneqarluni. Kommunip pilersaaruseriorfigineqarnerani tapiliussaq 19-imut atatillugu sanaartorfigissaanerup pilersaaruseriorfigineqarnissaanut siunnersortitut suliariumannittussarsiorneqarnikuuvoq, suliffeqarfimmullu akikinnerpaamik neqeroorteqartumut isumaqatigiissusiortoqarnikuulluni. Pilersaarutissatut siunnersuut 2018-imi novembarip 20-ani nutarsagaq pigineqarpoq, takuuk ilanngussaq 1.

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 04-ani
2018 ileqquusumik ataatsimiinnerani imaqarniliaq 08/2018**

Atuilluartuunissakkut kingunerisinnaasai

Sanaartorfissanik pilersitsinikkut kiisalu illoqarfiup qeqqata eqqaani puttasunik pilersitsinissamut periarfissiinikkut attaveqaqatigiinneq pitsanngorsaavigineqassaaq, tamannalu atuisunik pisinnaarluni, bussinik imaluunniit sikkililik angallassinnaanermik periarfissiisoqarnera atuilluartuussalluni.

Aningaasaqarnikkut allaffissornikkullu kingunerisinnaasai

Kommunip pilersaarusiortifigineqarnerani tapilussaq 19-imut sanaartorfigissaanissamut siunnersuineq 13,691 mil. koruuninik akeqassasoq nalilerneqarpoq, matumani Kangerluarsunnguaq sinerlugu pisinnaat aqputaa kiisalu Tele-mit Nukissiorfinniillu pilersuinermt atortulersuutinik ikkussuinissamut assaanermut 0,460 mil. koruunit kiisalu 1,379 mil. koruunit akileeqataassutigisassaat ilanngunneqanngillat. Tele-p Nukissiorfiillu akileeqataaannaannut neriorsuutissat pissarsiarinissaat sulissutigineqarpoq, piffissarli manna tikillugu suli isumaqatigiissuteqartoqanngilaq.

2019-imut missingersuutitut 2020-mullu missingersuutissat siunnersuutitut sanaartorfigissaanissamut aningaasat immikkoortinneqartut, kommunip pilersaarusiortifigineqarnerani tapilussaq 19-imut atatillugu sanaartorfigissaanermut nuunneqarnissaanut kissaatigineqartut:

Atuiffiup normua.	Atuiffiup taaguutaa	Aningaas.	Tapiiss.	Aningaas.nutaaq
77-50-00	Sanaartorfigissaanermut aningaasat immikkoortitat 2019	7.000.000	-7.000.000	0
77-50-00	Sanaartorfigissaanermut aningaasat immikkoortitat 2020	8.000.000	-6.000.000	2.000.000
77-15-10	Akia C14/15 Aqqusineq pilerseqqaagaq	691.000	13.000.000	13.691.000
	Katillugit	15.691.000	0	15.691.000

AA 13.2.2018 naapertorlugu aningaasaliissutit 77-15-10 nuutinneqarput kiisalu 2016-imi aningaasaliissutit atunngitsuukkat nuutinneqarlutik.

Allaffeqarfiup naliliinera

Kommunip pilersaarusiortifigineqarneranut tapilussaq nr. 19-imut tunngatillugu ilanngussaq 2-mi takutinneqartut Kangerluarsunnguaq sinerlugu ikaartarfiup tungaanut pisinnaat aqputissaannik pilersitsinissami ujararpaaluit assartorneqartussaammata, suliassaq taanna 4,8 mil koruuninik akeqassangatinneqarpoq. Ikaartarfiup nunataq A26-p akornanni najugaqarfiit eqqaanni aqqusineq pisinnaat atornerqarsinnaammata, pisinnaat aqputaat taamak pisariaqartiginngilaq. Kangerluarsunnguaq sinerlugu pisinnaat aqputaat akisuallaartutut nalilerneqarpoq, sanaartorfigissaanermilu matumani sanaartortariaqarani.

Sanaartorfissanut ataasiakkaanut sanaartorfigissaanermut aningaasartuutinik agguassinermit, aqqusinilerineq kiisalu kuuffissuarmut maqitsivik ilanngunneqassanersut apeqputaaginnarpoq, tassami kangiitungaanut najugaqarfissanut nutaanut aqquserngup kuuffissuarmullu attaveqaatit annertusineqassappata, attavilertunut nutaanut A26-mi najugaqartunit akileeqquisoqaratarsinnaammata. Taamaattumik sanaartorfigissaanermut aningaasartuutit agguataarneqarnissaat pillugit kingusinnerusukkut aalajangiisoqartariaqarpoq, missiliutini sanaartorfimmuut ataatsimut agguaqatigiisillugit kisitsisit kisimik paasissutissaannaapput.

Innersuussut

Teknikkeqarnermut, Aatsitassarsiornermut Avatangiisinullu ataatsimiititaliamut, kingornalu Aningaasaqarnermut ataatsimiititaliamut Kommunalbestyrelsimullu innersuussutigineqarpoq:

- matumani sanaartorfigissaanermi Kangerluarsunnguaq sinerlugu pisuinnaat aqquaat ilanngunneqassanngitsoq.
- matumani allassimasutut, 2019-imi 2020-milu sanaartorfigissaanermut aningaasaliissutit, A26+C15-ip sanaartorfigissarneqarnissaannut aningaasaliissutit nuunneqassasut.
- pilersaarutissatut siunnersuummi allassimasutut, sanaartorfigissaanermut pilersaarusionerq ingerlaannarneqassasoq.

Aalajangiineq

Innersuussut 1 aamma 3 akuersissutigineqarput.

Innersuussut 2 ataatsimiititaliap innersuussutigaa Kommunalbestyrelse-mut inassutigineqassasoq akuersissanngorlugu Maniitsumi 5.2 mill. kr. Ungasiviup nunagissarnissaanut. Sisimiuni Kommunip pilersaarusionerfineqarnera nr.19 sanaartorfigissaaneq 2019-nimi immikkut 6. mill. kr. Immikkut aningaasaliissutit aningaasaliissutigineqassasut.

Ilanngussat

1. Kpt 19-ip sanaartorfigissarnissaanut pilersaarutissatut siunnersuut, Masanti titartagartalik missiliutitalillu.
2. Kommunip pilersaarusionerfigineqarnerani tapiliusseq 19-imit ilanngusseq 2.
3. C15+A26-p sanaartorfigissarnerani aningaasartuutissatut C-missiliut ullulerneqartoq 22.11.2018.

Imm. 04 Ukioq 2019-imi Maniitsumi Sisimiunilu kuuffissuarnut nutaanut aningaasaliissutinik agguataarineq.

Journalnr. 25.03.00 atuiffik 72-42

Tunuliaqutaq

Maniitsumi Sisimiunilu nutaanik kuuffissualersuisitsinissamat atuiffik 72-42-00-50-61-imi 6.000.000 koruunit 2019-imut missingersuutini immikkoortinneqarnikuupput.

Maniitsumi Sisimiunilu kuuffissuarnik suliaqarneq salliunneqarluni imermik mingunnikumik pilersaarut suliarineqaleruttorpoq, politkkikkut akuersissutigineqannginnerani tamanut tusarniutissanngorlugu nassiunneqassaaq, taamaattumillu aasaanerani kuuffissuarnik suliaqarnissap neqeroorfigineqarsinnaanera sioqqullugu akuersissutigineqarsinnaanani.

Ukiumut 2018-imut kuffissuarnut nutaanut aningaasaliissutinik agguatararineq TRMU ataatsimiinnerani 1/2018 imm. 4-tut suliarineqarpoq.

Maleruagassatigut tunngavissat

Anartarfiit imaannik aamma imermik errortuivikumik eqqaaneq pillugu Namminersorlutik Oqartussat nalunaarutaat nr. 10, 12. juni 2015-imeersoq maleruagassatigut tunngaviuvoq.

Kuuffissuit aqqutaannik annertusaaneq kommunip pilersaarusiornermi periusissiaani Avatangiisinut tunngasuni "illoqarfinni kuuffissuarnik annertusaaneq nangeqqikkusupparput aammalu innuttaasut illuutaasa attavilernissaat qulakkiissavarput"-mut naapertuuppoq.

Maniitsumi pissutsit atuuttut

2018-imi Maniitsumi Nalunnguarterfissuarmut pingaarnertut kuuffissuarmik pilersitsisoqarpoq. Savinnut kuuffissuaq nutaaq aallartinneqareerpoq, kisianni aatsaat 2019-imi inaarsarneqarsinnaavoq.

Taakku saniatigut pingaaruteqarpoq, heliport nunataanut kuuffiissuup aqqutaanik pingaarnermik 2019-imi pilersitsinissaq, 2019-imimi aallartittumik nunaminertami inunnut ataasiakkaanut inissiank sanaartortoqarnissaa pilersaarutigineqarmat. Pingaarnertut kuuffissuarmut pilersaarusiorneq nammassineqareerpoq 2019-illu aallartinnerani neqeroorusiortitsinissamat piareerluni.

Sisimiuni pissutsit atuuttut

Sisimiuni najugaqarfiit arlaqartut kuuffissualiorneqarnissaat amigaataavoq, immikkoortut ilarpaaluini, illut pioreersut eqqaanni qaqqamik qaartitereqqaarnissaq pisariaqassaaq.

Kaaliikassaap Aqqutaaniit meterimut akit atorlugit (aqquserngup ataani pilersuiffinnut qaartiterilluni) aammalu Aqssiliup avataanaatungaani meterimut akit atorlugit (qaqqami pilersuiffimmik matusamik) Saalimiip Aqqutaani aqqaneq-marlunnik katiffilerlugu 215m-imut aki 2.900.000 koruunit missaaniissaaq aammalu Siimuup Aqqutaanut tallimanik katiffilerlugu 115m-imut 900.000 koruunit missaani akeqassaaq.

Ukiumi 2019-imi Sisimiuni kuuffissuarnut talliliinernut marluusunut sanaartornermut aki tamakkiisoq: katillugit 3.8 mil. koruunit.

Saalimiip Aqqutaa najugaqarfiuvoq nutaanngitsunik illulik, illut tamangajammik septiktankeqarlutik. Taamaattumik illumi annertunerusumik nutarterinermik suliaqanngikkaluarlutik amerlasuut kuuffissuarmut pingaarnermut attavilersinnaapput. Kuuffissuaq qaqugu pilersineqassanersoq pillugu immikkoortumit innuttaasut saaffiginnittarnikuupput. Kuuffissuaq pingaarneq nutaaq nunap iluatigoortinneqassaaq, taamaattumik qaqqami qaartiterisoqassaaq / matoorussisoqassaaq. Kaassassuup Aqqutaani kuuffiissuup aqqutaa pingaarneq aqquserngup ujaraaraasup / appakaaffissap ataani

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 04-ani
2018 ileqquusumik ataatsimiinnerani imaqarniliaq 08/2018**

inissinneqassaaq. Kuuffissuup aqputaanik pilersitsereernerup kingorna aqqusineq ullutsinnut naleqquttumik nerutussusilerlugu, kingornalu asfalterlugu pilersinneqarsinnaassaaq.

Siimuup aqputaa najugaqarfiuvoq typehusinik nutaanerusunik illoqarluni, illullu sisamaasut tamarmik septiktankeqarlutik. Taakku aamma pingaarnertut kuuffissuup aqputaa apersuutiginiqaaq. Pingaarnertut kuuffik aqquserngup sinaani inissisimassanngilaq kisianni qaqqap sinaani sivingasumi, taamaattumik kuuffik qaqqamut inissineqassaaq, kisianni sapinngisamik ivikkanik asserneqassalluni.

Atuilluartuunissakkut kingunerisinnaasai

Pingaarnertut kuuffissualiinermik pilersitsinikkut najugaqartut septiktankinik atuijunnaarnissamut periarfissaqalissapput, perusuersartarfimmit imikumik kuutsitsinermut anartarfilerisarnermut aqqiinnermut periarfissaalluni. Kuuffissualiinermi aamma imermik mingunnikumik maangaanaq kuutsitsisoqartarunnaarnissaanut periarfissiissaaq.

Aningaasaqarnikkut allaffissornikkullu kingunerisinnaasai

Maniitsoq:

2019-imi Savinnut kuuffissuarmik pingaarnermik inaarsaneq 450.000,- koruuninik akeqassaaq. Heliportimut kuffissuarmut pingaarnermut nutaamut missiliuut B 1.750.000,- koruuniuvoq.

Sisimiut:

Sisimiuni Kaaliikassaap Aqputaani kuuffissuup pingaarnernup tallilernerqarnera nammassineqarpoq, aammalu Aqissilik aamma Ukalilik tallilernerqarnissaa ingerlanneqarluni.

Uani ataani takutinneqartutut kuuffissuarnut nutaanut 2019-imi aningaasaliissutinik agguataarinikkut, Maniitsumi Savinnut eqqaani kuuffissuarnut pilersaarut inaarsarneqarsinnaavoq, aammalu heliportitoqqap eqqaani kuuffissuup aqputaanik pingaarnermik nutaamik pilersitsoqarsinnaavoq, aammalu Sisimiuni Saalimiip Aqputaani aamma Siimuup Aqputaani kuuffissuarmik annertusaaneq ingerlanneqarsinnaavoq.

2019-imut missingersuutit, Kuuffissuit nutaat, 1000 kr.

Atuiffiup normua	Atuiffiup taaguutaa	Aningaas.	Tapiiss.	Aningaas.nu taaq
72-42-00	Kuuffissuit nutaat, ataatsimut	6.000	-6.000	0
72-42-10	Sisimiuni kuuffissuit nutaat	0	3.800	3.800
72-42-20	Maniitsumi kuuffissuit nutaat	0	2.200	2.200
	Katillugit	6.000	0	6.000

Allaffeqarfiup naliliinera

Sisimiuni Saalimiip Aqputaani kuuffissuarmik talliliinerup inissiat aqqanillit atassusernissannut periarfissiissaaq aammalu Siimuup Aqputaani kuuffissuarmik talliliinerup illut pingasut aamma oqaluffiup illutaata attavilernissaanut periarfissiissaaq. Ilutigitillugu illoqarfiup qiterpasissortaata ilaani imermik mingunnikumik kuutsitsineq ingammik Saalimiip Aqputaa eqqarsaatigalugu annikillissaaq.

Maniitsumi Heliportitoqqamut kuuffissuup aqputaanik pingaarnermik nutaamik pilersitsisoqassaguni, Maniitsumi Heliportitoqqami Najugaqarfissiaq 700-A18.1-imut Kommunip pilersaaruserfigineqarnerani tapiliussami naapertuuttumik Heliportitoqqap nunataani inissianik sanaartortoqarsinnaanersoq apequtaassaaq.

Illoqarfiit/nunaqarfiit pingaarnersiorneqarlutik, kuuffissuillu pioreersut pingaarnersiorneqarlutik, Imeq mingunnikoq pillugu pilersaarutissatut siunnersuusiortoqarnissaata tungaanut, matumani siunnersuutigineqartut kuuffissualersuisitsinissami aningaasartuutissanut sanilliullugu iluaqutaanerpaasussatut nalilerneqarput.

Innersuussut

Teknikkeqarnermut Aatsitassarsiornermut Avatangiisinullu ataatsimiititaliamut aammalu Aningaasaqarnermut ataatsimiititaliamut innersuussutigineqarpoq:

Kuuffissuarnut nutaanut aningaasanut killiliussat tamakkiisut Sisimiut illoqarfianut 3.8 mio. koruuninik aammalu Maniitsup illoqarfianut 2.2 mio. koruuninik agguataarneqassasut, takussutissiami uani takutinneqartut.

Maniitsumi 2019-imi Savinnut aamma heliportitoqqap eqqaani kuuffissuit aqquataannik pilersitsisoqassasoq.

Sisimiuni 2019-imi Saalimiip Aqquataa aamma Siimuup Aqquataa eqqaani kuuffissuarnik talliliineq ingerlanneqassasoq.

Aalajangiineq

Akuersissutigineqarpoq.

Ilanngussat

1. Maniitsumi heliportitoqqap eqqaani pilersuineranut aqquutit ingerlaarfiinik nunap assinga
2. Maniitsumi Savinnut pilersuineranut aqquutit ingerlaarfiinik nunap assinga
3. Sisimiuni Saalimiip Aqquataani kuuffissuit aqquataannik nunap assinga.
4. Sisimiuni Siimuup Aqquataani kuuffissuit aqquataannik nunap assinga

Imm. 05 Kangerlussuarmi Illorput 2100-nut pingasunut aammalu Maniitsumi illunut sanaartoriaannarnut inuinnarmut ataatsimut 2018-imi illunut sanaartoriaannarnut ataatsimoortumik aningaasaliissutinit agguaassineq.

Journalnr. 06.01.03 sanaartornermut missingersuutit atuiffik 70-62-35

Tunuliaqutaq

Illunut sanaartoriaannarnut, kommunip missingersuutaani atuiffimmi 70-62-00-imi 10,975 mil. koruuninik immikkoortitsisoqarnikuuvoq, ataatsimoorussanut. Siusinnerusukkut 2018-imi marsip arferngani TAAA ataatsimiinnerani imm. 8-tut (matoqqasoq) inissiffissat eqqartorneqarnikuupput, tassani aningaasaliissutit iluini illut sanaartorneqarsinnaasutut ilimagineqartut Maniitsumi Atammimmilu inuinnarnut marlunnut qinnuteqartunut Kangerlussuarmilu kommunip illut sanaartoriaannaatai marluk agguataarneqarlutik. Innuttaasoq sanaartortitsisoq ataaseq taarsigassarsisinnaasimangimmat, kingorna illu sanaartoriaannaq Kangerlussuarmut nuunneqarpoq.

Maleruagasatigut tunngavissat

Illunut sanaartoriaannarnut aningaasaliissutit 2017-imeersuupput kommunimit tamakkiisumik aningaasaliiffigisassanngortinneqarnikuusut, sanaartornermut atortussanut aningaasartuutitut Namminersorlutik Oqartussat akiliisarunnaarnikuummata aammalu ataatsimoortumik tapiissutit allanngortinneqarnikuummata. Inissialiornermut, illunut ataatsimoorussanut, illuliassanut katitigassanut il.il. tapersiissuteqartarnej pillugu Inatsisartut peqqussutaat nr. 11, 19. november 2007-imeersoq.

Pissutsit atuuttut

Kangerlussuarmi illunut sanaartoriaannarnut atortussat tunniunneqareerput, sanaartornissamut suliariumannittussarsiuussisoqareerpoq aamma missiliuut A suliarineqareerpoq, tak. ilanngussa 1. Maniitsumi inuinnaq Illorput-mik sanaartoqataasoq sumiiffimmi sanasutut suliffeqarfimmik peqateqarluni toqqaviliorluni aallartippoq. Illu Nalunnguarterfissuarmi sanaartorneqarpoq.

Atuilluartuunissakkut kingunerisinnaasai

Illunit nutaannginnerusunit inissianik pitsaanerusumik oqorsakkanik Kangerlussuarmi Maniitsumilu inissianut pissutsinik pitsaanerulersitsinerup kiassarnermut atuneq annikillisissavaa, najugaqartunullu inuunermut pitsaanerulersitsissalluni.

Aningaasaqarnikkut allaffissornikkullu kingunerisinnaasai

Kangerlussuarmi inissaaleqisoqarpoq, massakkullu inissiamut akiliutit appasinnerunerat ilaqutariillu annertussusaata minnerunera pissutigalugit inissiat marlunnik ikinnerusunik sinittarfillit ujartorneqarnerullutik. Ataatsimoorussamik illunut sanariaannarnut aningaasat immikkoortitat innersuunneqarput agguataarneqassasut:

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 04-ani
2018 ileqquusumik ataatsimiinnerani imaqarniliaq 08/2018**

Atuiffiup normua.	Atuiffiup taaguutaa	Aningaas.	Tapiiss.	Aningaas.nutaaq
70-62-00	Illut sanariaannaat ataatsimoorussamik	10.975.000	-10.975.000	0
70-62-35	Illut sanariaannaat, 3-t Kangerl.	0	8.230.000	8.230.000
70-62-20	Illut sanariaannaat ataaseq, inuinnaq Maniitsoq	0	2.745.000	2.745.000
	Katillugit	10.975.000	0	10.975.000

Allaffeqarfiup naliliinera

Illunut sanariaannarnut ukioq manna aningaasaliissutinik agguataarineq Kangerlussuarmi inissianik mikisunik (91m2) pingasunik aammalu Maniitsumi inuinnarmut ataatsimut sanaartornissamut naammaqqissaarput.

Illu Illorput 2100-mik ilusilik typehusitut Namminersorlutik Oqartussat aqutigalugit pilersaarusiugaavoq, taamaattumillu kommuni pilersaarusiornermut aningaasartuuteqarani. Taamaattorli illu taamaattoq sanaartussallugu ajornakusoorpoq, iikkersuutit illullu qalia siullullugit sanaartornermi ingerlanneqartussaammata, illullu qaliata oqorsaataa silamit eqqorneqarsinnaasorujussuulluni. Issittumi silaannalimi illut iikkersuutaannik sukkasuumik matuneqarsinnaasut, taamaalluni oqorsaatilik suliaqarneq illup iluatigut suliarineqarsinnaasut orniginarnerupput.

Illorput 2100-mut 2,7 mil. koruninik sanaartornermut akeqarluni assigiinnarlugu sanaartornermut aki m2-mut 30.147 koruunit illumut taamaattumut akisungaatsiarpoq, siunissami periarfissamik allamik nassaarunneqarsinnaasooq.

Innersuussut

Teknikkeqarnermut, Aatsitassarsiornermut Avatangiisinullu ataatsimiititaliamut, kingornalu Aningaasaqarnermut ataatsimiititaliamut innersuussutigineqarpoq:

- uani eqitsimmi allassimasutut Illunut sanariaannarnut ataatsimoorussamik aningaasaliissutit agguataarneqassasut.

Aalajangiineq

Akuersissutigineqarpoq.

Ilanngussat

1. 2018-imi tunniussassanngorlugit Kangerlussuarmi illunut Illorput pingasunut missiliuut A.

Imm. 06 Nalunnguarfimmi qamuterallannik ingerlaartoqartarnera pillugu Nalunnguarfiup eqqaani najugaqartut maalaarutaat.

Journalnr. 23.09

Tunuliaqutaq

Upernaakkut Nalunnguarfimmi qamuterallannik ingerlaartoqartarnera pillugu maalaarummik kommuni tigusaqarpoq. Upernaakkut tatsimi sermikullu ingerlaartoqartarnera kisimi maalaarutigineqarpoq. Qamuterallannik ingerlaartarnek pillugu Teknikkeqarnermut, Aatsitassarsiornermut Avatangiisinullu ataatsimiititaliap paasisutissinneqareerpat, Teknikkimut Avatangiisinullu Immikkoortortaq maalaarummut akissuteqaasiussaaq.

Maleruagasatigut tunngavissat

- Sisimiut Kommuneani illoqarfiup nunaqarfiillu killeqarfiisa iluini qamuterallannik sulinermut atatillugu nalinginnaasumillu angallartarnermut maleruaqqusaq.
- Inatsit nr. 832 18 dec. 1991-meersoq. Kalaallit Nunaanni angallannermut inatsit. 2008-mi juunip 17-iani Inatsisikkut nr. 497-ikkut allanngortinneqartoq. Pingaartumik § 22.
- Politibekendtgørelse vedrørende kørehastighed. 13 januar 1999. For tidl. Sisimiut og Aasiat kommuner.

Pissutsit atuuttut

Maalaarut tulliuuttut allassimasoq tiguneqarpoq:

- Ulloq qanoq-iligaluarpat qamuterallannik nipiliortut.
- Inuit nipitigut dB-mik nipituuliorfiginissaannut siunnersuummut nallersuullugu nipituumik nipiliorfigitinnerit.
- Meeqqat eqqissisimatinneqarnissaminnik immikkut pisariaqartitsisuni Gertrud Rask Minde-mi meeqqat innareernerisa kingorna nipiliorfigitinnerit.
- Ilaqutariit qeerlutuunik eqqissillutik isiginnaarsinnaajunnarlugit, qamuterallaat tatsimi qeerlutuunut akornusersuutaapput.
- Qeerlutuut nerisaqaqatigiinnermut isumaqarneragaanerit.
- Paasisitsiniuteqartoqarnissaanik kissateqarluni pinngortitamut mingutsitsinnermullu nalunaarutinut, qamuterallaallu pillugit ileqqoreqqusamat innersuussut.
- Nalunnguarfiup ersarissumik mingutsinneqarsimanera, qamuterallaallu mingutsitsisimaneragaanerit pillugu oqaaseqaat.
- Nalunnguarfik sinerlugu pisuttuarterfik pillugu oqaaseqaat, tassani qamuterallaat aqqaasa aserugaannik eqqaata kusanarunnaarsimanera pineqarluni.
- Qeerlutuut ivasernerat qamuterallannit akornusersornerangaanerit pillugu oqaaseqaat.
- Qamuterallattartut tatsini ingerlaarnissamik nuannarisallit mattutivinneqannginnissaat pillugu qamuterallaat tatsini allani ingerlaartarnissaannik siunnersuut.
- Nalunnguarfiup eqqaani najugaqartut ataasiakkaat sinnerlugit innuttaasumit ataatsimit maalaarut atsiorneqarpoq. Allannik atsioroqarsimanngilaq.
- Maalaarut Peqqissutsimut Ilisimatusarnermullu Naalakkersuisoqarfimmut kiisalu Pinngortitamut Avatangiisinullu Naalakkersuisoqarfimmut kiisalu Sisimiuni politeeqarfimmut nassinneqarpoq.

"Sisimiut Kommuneani illoqarfiup nunaqarfiillu killeqarfiisa iluini qamuterallannik sulinermut atatillugu nalinginnaasumillu angallartarnermut maleruaqqusaq" massakkut atuuttumi, Nalunnguarfimmut aqquittisaqarluni Nalunnguarfiup avannaatungaani, Nalunnguarfiup Atuarfiata kangia-tungaani

11

itersaamanermit, Nilliasullu kitaa-tungaani mittarfiup qimmeqarfiullu tungaanut aqquq qamuterallannut aqquq akuerisaqarpoq. Ullaakkut 6.00-imiit unnukkuq 22.00-ip tungaanut qamuterallaat ingerlasinnaatitaapput.

"Sisimiut Kommuneani illoqarfiup nunaqarfiillu killeqarfiisa iluini qamuterallannik sulinermit atatillugu nalinginnaasumillu angallartarnermit maleruaqqusaq", suli atuuppoq. Taamaattorli ilamininngua atorneqarsinnaanngilaq.

§ 4 imm. 2 ima nipeqarpoq: *Imeqarfiit tasitaanni Sisimiunut nunaqarfiinullu imermik imigassamik pilersuisuusuni qamuterallannik ingerlaarnissaq inerteqqutaavoq. Taamaattorli imeqarfiit sinerlugit qamuterallannut aqquq tassiatut ilisarnaasikkat malillugit majuartaateqarfimmut ingerlanissaq inerteqqutaanngilaq.*

§ 4 imm. 4 ima nipeqarpoq: Illoqarfiup killeqarfiata aamma nunaqarfiit killeqarfiata ilaasa sinneri qamuterallannut atorsinnaanngorlugit immikkut nunatatut immikkoortitaapput, tak. nunap assingi 2, 3 aamma 4. Una § 4 imm. 4 atorsinnaanngilaq.

Taamaallilluni imeqarfiup killeqarfiani tamani ingerlaarsinnaanermut maleruaqqusatigut inerteqqutaanngilaq, kisianni tatsiniunngitsoq. Imeqarfiup killeqarfiani ingerlaarnissaq ukiuni arlalinni inerteqqutaanikuuvoq. Majuartaateqarfimmut aqquq tassiaq minillugu.

Kisianni tatsit minillugi imeqarfiup killeqarfia tamakkerlugu angalasinnaanermut akuersissummik imaqartoq paasisimanagu, ukiorpassuit matuma siorna Pinngortitamut Avatangiisinullu Naalakkersuisoqarfiup maleruaqqusaq akuersissutiginikuuaa. Ukiut arlallit qaanngiunneranni Naalakkersuisoqarfiup nammineerluni kukkuneq taanna kommunimut nassuerutiginikuuaa. Tassami naalakkersuisoqarfik maleruaqqusamik akuersissuteqarneranik, kommuni uppersaammik tigummiaraqpoq.

"Sisimiuni imeqarfiup killeqarfianut malittarisassat immikkut ittut pillugit Namminersorlutik Oqartussat nalunaarutaat nr. 9, 30. april 2015-imeersoq" 2015-imi maajip 15-iani atuutilersinneqarpoq. Taanna majuartaateqarfimmut illinerni ingerlasinnaanermut, nunaminertami sungiusartarfimmi ingerlasinnaanermut kiisalu ujakkaanermut illiniliarluni ingerlaarnissamut akuersissuteqarpoq. Kisianni aamma taamaallilluni imeqarfiup killeqarfiata sinnerani ingerlasinnaanermut inerteqquteqarluni.

Illoqarfiup killeqarfiata iluani angalanissami malittarisassat kommunalbestyrelsimit suliarineqarlutillu akuersissutigineqartarput. Paasissutissiisoqarnissaa, aqquq tinilu akuerisaasuni angallaffigineqaaqusaanngitsunilu naammattumik allagartalersuisoqarnissaa kommunip isumagissarivaa. Politiit malittarisassanik atuutsitsisarput, angallattunillu unitsitsisinnaapput, akiligassiinnaapput il.il.

Angallannermit inatsimmi § 22 imm. 1: *Angallattut ataqqinninnissuseqassapput aammalu mianersussallutik, taamaallilluni allanut ulorianartorsiorfitsinatik imaluunniit ajoqusiinatik akornusersuutaanatilluunniit, aamma taamaallilluni angallanneq pisariaqanngitsumik akimmiffilersorneqaranilu akornusersorneqarani. Aammattaaq aqquq serngup sinaani najugaqartut uninngasulluunniit eqqarsaatigineqassapput. Aana oqaaseqatigiinni kingulleq suliamut attuumassuteqartoq "Aammattaaq aqquq serngup sinaani najugaqartut uninngasulluunniit eqqarsaatigineqassapput". Taanna assersuutigalugu angallassissutinik angalanermiluunniit pujuliorfitsinermut nipuliorfitsinermullu tunngassuteqarpoq. Allamut tunngatillugu malittarisassamik paasinninniarnermut siusinnerusukkuq politiit ikiuunniupput, taamaallilluni attuumassuteqartoq ilismaneqarluni. Nalunnguarfimmi qamuterallannik angallannermit atatillugu angallannermit malittarisassanik malitsitsisoqarnissaanik politiit qinnuigineqassagunik, nalilersuineq pineqassaaq. Nipuliorneq qanoq annertutiginersoq politiit nalilersussavaat.*

Sussakkusissanut malittarisassani "Sukkassusissaq pillugu Politibekendtgørelse" ersarissorujussuuvoq. Naliliinngikkaluarluni malitsineqarsinnaapput. Uani qamuterallannut akunnermut 30 km sukkassuseqarnissaat atuuppoq. Taamaattorli siusinnerusukkut Politiit taanikuuvaat, "Politibekendtgørelse vedrørende kørehastigheder" kommunit kattussuunnerisa kingorna atorsinnaajunnaarnikuusoq. Sukkassusissanut nalunaarusiassamik nutaamik suliaqartoqarnissaanut kommuni suliaqarsinnaavoq.

Maalaarut Pinngortitamik illersuineq pillugu inatsimmut innersuussivoq. Kisianni "Pinngortitamik illersuineq pillugu Inatsisartut inatsisaat nr. 29, 18. december 2003-meersoq"-sumi kapitali 12-imi § 39-mi, illoqarfiit nunaqarfiillu killeqarfiisa avataannut atuuttuusumut oqariartuummik attuumassuteqartumik nassaassaarpoq. Pinngortitamik illersuineq pillugu inatsisip annersaa taamaallaat illoqarfiit nunaqarfiillu killeqarfiisa avataannut atuuppoq.

Atuilluartuunissakkut kingunerisinnaasai

Nalilerneqarpoq, Nalunnguarfimmi aqquiarineqarsimasoq pitsaanerusiinnaanngitsoq, soorluttaa malittarisassat, allagartat paasissutissiinerlu ersarinnerusariaqartoq.

Aningaasaqarnikkut allaffissornikkullu kingunerisinnaasai

Allagartaliinnermut aningaasartuutit annikinnerusut.

Allaffeqarfiup naliliinera

Upernaakkut tatsimilu ingerlaartoqartarnera kisimi maalaarutigineqarpoq. Tamanna nunap aattornerani, apriliip naajartornerani, maajimi ilaatigullu juuni ilanngullugu pineqarsimassaaq. Ulluinnarni qamuterallaat ulloq naallugu unnuttalertarlugu, ilaatigullu unnuartalertarlugu ingerlaartarnerat maalaaruteqartut naapertorlugit Nalunnguarfiup eqqaani najugaqartunut akornusersuutaavoq. Qamuterallannik ingerlaartoqartarnera pillugu maalaaruteqartut tunngavissaqarluartut allaffeqarfiup nalilerpaa. Taamaakkaluartoq mingutsitsisoqarneranik oqaaseqaat tunngavissaqarsorinagu. Imeqarfimmit misissuinerit takutippaat, qamuterallaat ingerlaartarnerini mingutsitsisoqarsimaneranik takussutissaqanngitsoq. Nalunnguarfimmi motoorilinnik angallatinit mingutsitsisoqaratarsimasinnaanissaanut takussutissaqarnissaa naatsorsuutigineqarsinnaanngilaq. Kunuuteralaap Aqquusernganit, Jaakunnguup Aqquusernganit Qivittoqarfimmiillu imermik mingunnikumik kuutsitsisoqartarnerata kingunerisaanik tatsip tangeqalersimaneranik mingutsinneqarsimasutut isigineqarpoq. Qeurlutuunut ivasunut akornusersuineq pillugu oqaaseqaat. Qamuterallannik ingerlaartarnerup piffissaata naanerani qeurlutuunik ivasoqarneq ajortoq nalilerneqarpoq. Pinngortitamut nalunaarut pillugu maalaarummi oqaaseqaat eqqarsaatigalugu, illoqarfiup killeqarfiata iluaniingaatsiarluni taseq illoqarfiup iluaniippoq. Qeurlutuut nerisaqatigiinnermut pingaaruteqassusiat eqqarsaatigalugu, nunami taamak angitigisumi illoqarfiup iluani tasiarannuami qeurlutuut taamak ikitsigisartillugit nerisaqatigiinnermut annertuumik sunnuteqarsorineqanngilaq. Innuttaasulli akornusersorneqaratik tatsip eqqaaniissinnaanissaminnut, timmissanillu isiginnarujoornissaminnut periarfissaat ajorseriarsimasinnaapput.

Tatsip eqqaani najugallit, qamuterallattartullu soqutigisaannut akerliuneruvoq. Illuatungeriinnit tamanit akuerineqarsinnaasunik aqqiissuteqartoqarnissaa anguniarneqartariaqarpoq. Najugaqartut taamak nipitutigisumik akornusersorneqartariaqanngillat, qamuterallattartulli aamma tatsikkoorsinnaasariaqarput. Nalunnguarfimmi qamuterallattarneq killilersorneqalissappat, ajornartorsiut illoqarfimmi sumiiffimmut allamut nuutsiinnarneqassaaq, amerlanerusullu immaqa akornusersorneqalerlutik.

Nalunnguarfimmi angallaneq pillugu Kommuni siornatigut paasissutissiinikuuvoq, tassanilu arriitsumik angallattoqartarnissaa, sukkalisaarluni uteqattaartoqartannginnissaalu paasititsiniaassutigini kuullugu.

Massakut Nalunnguarfimmi aqutissianut malittarisassat pitsaanerusinnaanngitsut, taamaattorli angallaneq pillugu paasissutissiisarneq allagartalersuisarnerlu annertusarneqarsinnaasut allaffeqarfiup nalilerpaa. Tamatuma saniatigut tatsimi angallatarneq pillugu politiit malittarisassanik atuutsitsinissaannik qinnuigineqassapput. Kommuni allagartalersuereerpat paasissutisseereerpallu tamanna aatsaat pisinnaavoq.

Innersuussut

Teknikkimut Avatangiisinullu immikkoortortap Teknikkeqarnermut Aatsitassarsiornermut Avatangiisinullu ataatsimiititaliamit akuerisassanngorlugu innersuussutigaa,

Nalunnguarfimmi aqutissiat massakut piusut pillugit malittarisassat attatiinnerneqassasut, tatsimilu angallaneq pillugu amerlanerusunik allagartalersuisoqassasoq.

Aalajangiineq

Ataatsimiinnissap tullissaanut kinguartinneqarpoq.
Takussutissatut atsiorderit allat allaffeqarfimmiik piniarneqassapput.

Ilanngussat

1. Sisimiut Kommuneani illoqarfiup nunaqarfiillu killeqarfiisa iluini qamuterallannik sulinerneq atattillugu nalinginnaasumillu angallartarnerneq maleruaqqusaq.
2. Inatsit nr. 832 18 dec. 1991-meersoq. Kalaallit Nunaanni angallannerneq inatsit. 2008-imi juunip 17-ani Inatsisikkut nr. 497-ikkut allanngortinneqartoq. Pingaartumik § 22.
3. Politibekendtgørelse vedrørende kørehastighed. 13 januar 1999. For tidl Sisimiut og Aasiat kommuner
4. Nalunnguarfiup eqqaani najugalinnit maalaarut

Imm. 07 Sisimiuni puttasunik pilersaarusiornissamik ataatsimiititaliami ilaasortap Emilie Olsen siunnersuutaa pillugu paasissutissiissut

Journal nr. 06.01.03

Tunuliaqutaq

Ataatsimiititaliami ilaasortap Emilie Olsen siunnersuutaa ilanngussami 1-imi takuneqarsinnaavoq, taanna annertunerusumik Sisimiuni pissutsinut tullinnguuttunut tunngassuteqarneruvoq.

- Qinngunnguani puttasunik pilersitsissagaanni unammillernarpasissaq.
- Kangerluarsunnguami puttasunut pilersaarusiortoqassasoq.
- Kangerluarsunnguami kuuffiup kuuffia tallisariaqarualuortoq.
- Anorit sakkortuut immallu naqqani pissutsit mianerineqassasut.
- Qajartortartut mianerineqassasut.

Maleruagasatigut tunngavissat

- Qeqqata Kommunia nammineq suliaqarfimminik ingerlatsinermit aserfallatsaaliinermullu akisussaasuvoq.
- Kommunip pilersaarusiornissamik atuuttusoq
- Imaani avatangiisit illersorneqarnissaat pillugu Inatsisartut inatsisaat nr. 15, 8. juni 2017-imeersoq
- Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq
- Sanaartorfissagissaaneq, pisortat kuuffeqarfinnut aqqusersuutaat aamma pisortat aqqusiniutaat pillugit Inatsisartut inatsisaat nr. 16, 17. november 2010-imeersoq

Pissutsit atuuttut

Puttasut pillugit suliaq tak. ilanngussaq 1, TAAA-mit innersuussuteqartoqarneratigut 2018-imi februaarip 13-ani AA imaqarniliaaniinnikuvoq. Taamanikkut puttasunut aningaasat 264.000 koruunit, atuiffik 77-15 "aqqusineramik pilersitsinissaq" pilersaarusiorneqarnissaanut, Akiani sanaartorfigissaalluni suliniummut atorneqartussaallutik. Sanaartorfigissaaneq pilersaarusiorneqarpoq, aammalu kommunip pilersaarusiornissamik tapiliussaqaq malillugu ingerlalluni, taamaattumillu immikkuullarissutut sanaartugassatut suliarineqarluni. Pilersaarut qulaani pineqartoq suliarineqareernerani akuersissutiginereerneranilu, puttasunut umiatsiaaraatileqatigiit nunaminertamik atugassinneqarnikuvoq. Imaani inissisimanertik pissutigalugu puttasut nunaminertamik atugassinneqarpoq, aammalu nunaminertanik sanaartorfigissaanermut atatillugu periutsimik apeqqutaatitsinatik. Taamaattorli soorunami appakaaffissartaa aqqusineramik pinngitsuisinnaanngilaq, aammalu tamanna pilersaarusiorneqarnissamik pilersinneqarnissamillu utaqqisariaqarsimavoq. Pinngortitap nukii eqqarsaatigalugit kangerliumanerup inissisimanera umiatsiaaraatileqatigiit naammagisimaarpasissimavaat.

Kuuffissuup kuuffia pillugu kommunip eqqagassalerinermit pilersaarutaa allaffeqarfiup utaqqivaa, eqqagassalerinermit pilersaarummi aammattaaq kuuffissuit kuuffii ukkatarineqarmata, taanna 2019-imi pigineqalersussatut naatsorsuutigineqarpoq.

Imaani angallannermi malittarisassat aamma Imarsiornermut aqutsisoqarfiup nalimmassartarpai aamma imaani angallassissutit oqinnerusut oqimaannerusullu ataatsimut isigalugu imminnut paarisussaallutik, aammalu imaani malittarisassanik malinnittussaallutik. Illoqarfiup qanittuani kuffissuit kuuffippassuaqangaatsiareersumi assersuutigalugu qaannat kinngusaqartaarfigisartagaanni, sumiiffinni sanaartorfiusuni inermik toqqaannartumik attaveqarfiusuni imaani sammisanik suliaqartoqarnissaa

15

innersuusutigineqarsinnaanngilaq avatangiisit peqqissuserlu eqqarsaatigalugit. Tamanna nalinginnaasumik ilisimaneqassaaq.

Atuilluartuunissakkut kingunerisinnaasai:

Pisariaqartinneqanngilaq.

Aningaasaqarnikkut allaffissornikkullu kingunerisinnaasai

2019-imut missingersuutit pillugit suliaqarnermut atatillugu, kommunimut tamarmut puttasunik piniartullu atugaannik pitsanngorsaanissamut tamanut 2019-imi 4 mio. koruunit ukiumullu missiliuuteqarfiusumut 2020-mut 3 mio. koruunit immikkoortinneqarput.

Aningaasat kommunimut tamarmoortuummata, suliniutinut ataasiakkaanut aningaasanik agguataarinermik sumut atorneqarnissaannut siunnersuumik allaffeqarfik kingusinnerusukku saqqummiissaaq.

Innersuussut

Allaffeqarfiup TAAA-mut innersuussutigivaa, allaffeqarfiup paasissutissiissutaa tusaatissatut tiguneqassasoq.

Aalajangiineq

Tusaatissatut tiguneqarpoq

Ilanngussat

1. TAAA ataatsimiinnerani 04/18 imaqarniliaq.
2. Akianut puttasunullu kommunip pilersaaruserfigineqarnerani tapiliussaq

Teknikkeqarnermut, Aatsitassarsiornermut Avatangiisinullu ataatsimiititaliap december-ip 04-ani 2018 ileqquusumik ataatsimiinnerani imaqarniliaq 08/2018

Imm.08 2019-imi Teknikkeqarnermut Aatsitassarsiornermut Avatangiisinullu Ataatsimiititaliap ataatsimiiffissaanik aalajangersaaneq

Journalnr. 01.02.02

Tunuliaqutaq

Teknikkeqarnermut Aatsitassarsiornermut Avatangiisinullu ataatsimiititaliap 2019-imi ataatsimiittarfissaat aalajangersarneqartariaqarput.

Maleruagassatigut tunngavissat

Tamanna pillugu aqutsinermi ileqqoreqqusami aalajangersakkat.

Allaffeqarfiup naliliinera

Kommunalbestyrelsip kiisalu aningaasaqarnermut ataatsimiititaliap ataatsimiiffissaannut naapertuussarneqarnikuullutik ataatsimiiffissatut takussusiorneqartut aalajangiusimaneqassasut innersuussutigineqarpoq.

Allamik nalunaartoqarsimatinnagu ataatsimiinnerit tamarmik nal 08:30 aallartittassapput oqarasuaatikku/videokonferenciluunniit atorlugu ingerlanneqartassallutik.

Innersuussut

Teknikkimut Avatangiisinullu immikkoortortap Teknikkimut Avatangiisinullu ataatsimiititaliamut innersuussutigaa,

Tullinnguuttutut ataatsimiiffissat Teknikkeqarnermut Aatsitassarsiornermut Avatangiisinullu ataatsimiititaliap akuersissutigissagai.

Teknikkeqarnermut Aatsitassarsiornermut Avatangiisinullu ataatsimiititaliap	Aningaasaqarnermut ataatsimiititaliap	Kommunalbestyrelsi
05. februar	12. februar	21. februar – Sisimiut
05. marts	12. marts	
	16. april	25. april – Godkendelse af regnskab 2018
07. maj	14. maj	23. maj
04. juni	12. juni	
06. august	20. august	29. august
10. september	17. september – 2020-imut missingersuutit siullermeeneri	26. september - 2020-imut missingersuutit siullermeeneri
	15. oktober – 2020-imut missingersuutit aappassanneeneri	24. oktober - 2020-imut missingersuutit aappassanneeneri
05. november	12. november	21. november
03. december	10. december	

Aalajangiineq

Akuersissutigineqarpoq.

Ilanngussaq

Ilanngussaqanngilaq.

Imm.09 Nutarsaanermut aningaasaliissutaasunit 2019-imut Sisimiunut agguassineq

Journal nr.

Tunuliaqutaq

Qeqqata Kommuniani illunik inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piunnarnissaat qulakkeerneqarsinnaalluni. 2019-imut missingersuutitnik suliaqarnerup kingorna nutarsaanissamut aningaasaliissutit ingerlaqqipput, tamatumani 2019-imut 15 mio. koruunit, ukiunullu missiliuuteqarfiusunut 2020-mit 2022 tungaanut ukiut tamaasa aningaasat amerlaqataat immikkoortinneqarlutit.

Siunertamut aningaasat immikkoortinneqartut agguataarneqarnikuupput, taamani illuutigisat malillugit suliamik saqqummiussinermi 8.8 mio.koruunit Sisimiuni TAI-mit aqutassanngortinneqarmata. Ukiunut sisamanut aserfallatsaaliinermik aningaasaliissutitnik agguataarinermi allannguutit pillugit, Sisimiuni TAI Maniitsumilu TAI ukiut tamaasa Teknikkeqarnermut, Aatsitassarsiornermut Avatangiisinullu ataatsimiititaliamut suliamik saqqummiussisassapput. Taassuma saniatigut atuiffik 7 ataani sanaartornissamut suliassani allani immikkoortumi killiffik pillugu saqqummiunneqartassapput.

Aningaasaliissutit ilai sanaartukkat pigisatta piujuarnissaat siunertaralugu atussavagut, soorlu illup iikkersuutaanik qalipaarnut, pisariaqalernerani nutaanik ussinnerusunik igalaalersuinerut, soorlu silaannarissarfilersuinerut, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinnginnerulernissaq aamma siunertaralugu.

Maleruagasatigut tunngavissat

Teknikimut Avatangiisunullu ataatsimiititaliaq atuiffik 7-imut akisussaasuvoq. Qeqqata Kommuniata illuutini nammineq akisussaaffigai.

Pissutsit atuuttut

Ukiorpasuarini aserfallatsaaliinermut aningaasaliissutit killeqarpallaarsimapput, taamaasilluni piujuartitsinissaq siunertaralugu aserfallatsaaliinissaq ajornartarsimalluni, annermillu ileqquusimalluni aatsaat illut aserfallalluinnaraangata iliuseqartoqartarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta siunissami piginnarsinnaaniassagatsigit. Tamanna siunertaavoq. Kisiannili illuutit ilai ima aserfallassimatigipput, allaat ingutseriarlugit nutaanik sananissaq pisariaqarsinnaalluni, pioreersup suliarinissaa akilersinnaassanngippat.

Ukiumut 2018-imut nutarterinissamut aningaasat immikkoortitat maanna tamarmik aallartinneqareerput, suliat ilaat suli ingerlapput, ilaallu naammassineqareerlutik, aamma takuuk ilangussaq 1.

Suliassaasunit marlussuit soorlu assersuutigalugu Nuniaffik B-1495-imit kuuffissuarmut attaviliinissaq aammalu Ungaannuaq B1291-imut kiassaateqarfimmut attavillinissaq peqquteqavissumik 2019-ip aasaanut kinguartinneqarput. Suliassat amerlanersaat 2018-ip naalernerani naammassineqassapput. Allaffissuup B-902 illutaanik suliaqarneq 2019-imi februaari ilanngullugu ingerlanneqassaaq.

Ukiumi naatsorsuuseriffiusumi matumani 2018-imi aserfallatsaaliinermut killiffik tassaavoq, suliassat amerlanerpaat naammassineqareersut, suliassallu ilaat ingerlallutik.

Ukiumut 2019-imut ilaatigut pilersaarutaavoq, Paqqinnittarfimmi/Fritidshjem Naasumi, Naalumi Sarfannguanilu Naasunnguami igalaat pioreersut taarsersorneqarnissaat, ilaatigut Naasumi qullernik nutaanngitsunik taarsersuissaagut. Tamatuma kingunerissavaa illup iluata meeqqanut sulisunullu silaannarinnerulernera.
Takuuk ilanngussaq 1.

Atuilluartuunissakkut kingunerisinnaasai

Pilersaarusiukkamik aserfallatsaaliinerup kingunerissavaa atortuutitta illuutittalu siunissami piujuarnissaat, imaluunniit sivisunerusumik atorreqarsinnaanissaat, Illut il.il. pioreersut pigisagut paariinnarsinnaassagutsigit, illunik nutaanik pisariaqanngitsumik inuiaqatigiinnut akisusinnaasumik sanaartortariaqanngilagut.

Illuutinik aserfallatsaaliinissamut pisariaqartitsitsinermik nalilersuinerit atuisunik suleqateqarluni ingerlanneqassaaq, taamaalilluni illut pisariaqartitsinerpaat salliutinneqassallutik.

Aningaasaqarnikkut allaffissornikkullu kingunerisinnaasai

2018-imi nutarsaanissamut aningaasaliissutit killiffiannut nalunaarusiaq, TAAA-mut atuiffimmut 7-mut qaammatit pingasukkaarlugit aningaasaqarnikkut nalunaarusiami ilaatinneqartarpoq. Ilangussap 1-ip takutippaa, ukioq 2018-imut nutarsaanermi aningaasaliissutaasuut killiffiup sukumiinerusumik allaaserineqarnera.

Nutarsaanissamut aningaasaliissutit pillugit siusinnerusukkut aalajangiineq takuuk, ilanngussaq 1-imut nassuiaatigineqartoq, suliassat naapertorlugit ukiumut 8.8 mio. koruunini 2019-imit 2022-p tungaanut nutarsaanissamut aningaasaliissutit pillugit aningaasanik immikkoortinneqartunit agguataarinermut Sisimiuni TAI siunnersuusiussaaq. Ilutigitillugu suliniutini ataasiakkaani isumaqatigiissutigineqartut malillugit sapinngisannugamik aningaasaliissutaasunit tamakkiisunik atuiniarluni, ukiup naatsorsuuseriffiusup ingerlanerani agguataarinernik allannguisinnaanermik TAI pisinnaatinneqassaaq.

Illunik atortulersuutinillu nutarsaaneq 2019 naatinnagu naammassineqariissappat, nutarsaanermik suliassat piaartumik aallartinneqartariaqarput. Taamaangippat nutarsaanissamik suliassat ilaannaat sularineqarnissaat naatsorsuutigineqassaaq.

Sanaartugassatut suliassatut taaneqarluarsinnaasut ilagaat Qimatulivik, tassani nutarsaalluni suliassani pisariaqartinneqartut pilersaarusiiornermut tunngavissaq aammalu ukiut arlalinngortut ingerlanerini kalaalimineerniarfimmik namminersortunngorsaanissaq pillugu misissuisoqarnissaa pillugu kommunalbestyrelsip kissaataa utaqqineqarnikummata. Ilumut nutaajusinnaasumut aningaasartuutitik atuilinnginnermi, namminersortuunngorsaaneranut misissuineq sulii TAI utaqqimaarpaa.

Sisimiunut tunngatillugu aningaasaliissutaasut 8.8 mio. koruunit iluanni ukiumut tamakkiisumik aningaasartuutaasussat ilanngussaq 1-imi takuneqarsinnaapput. Suliassanik ataasiakkaanit sulariumannittussarsiuussereernerup kingorna aatsaat takuneqarsinnaanngussaaq, missingersuutaasutut aningasartuutissat eqqortuunersut. 2017-imut nutarsaanissamut aningaasaliissutaasunik sularinninnermi TAI pisinnaatinneqarpoq, aningaasaliissutaasuni 8,8 mio. koruuniusuni suliniutinut ataasiakkaanut aningaasaliissutinik allannguutinik sulariqarsinnaaneranik, suliassat tamarmik suliassalluunniit tamangajammik sulariumannittussarsiuunneqassappata.

**Teknikkeqarnermut, Aatsitassarsiornermut Avatangiisinullu ataatsimiititaliap december-ip 04-ani
2018 ileqquusumik ataatsimiinnerani imaqarniliaq 08/2018**

Atuiffiup normua	Atuiffiup taaguutaa	Aningaas.	Tapiiss.	Aningaas.nutaaq
71	Allaffissup illutaa, allaffeqarfik	1900		1900
72	Teknikkeqarfik il.il.	1760		1960
72	Kalaalimineerniarfik	1000		1000
72	Pinartumik suliassat	700		700
73	B-963, Amutsivik, silataata qalipannissaa	200		200
75	Ilinniartitaaneq, kulturi	3240		3240
	Katillugit	8.800		8.800

Allaffeqarfiup naliliinera

2018-imut aammalu ukiunut arlalinnut missingersuutineereersut, suliniutit ingerlaqqinnissaat pingaarutilerujussuuvog. Taassuma qulakkiissavaa, suliniutit akuersissutaareersut soorunami ingerlaqqinnissaat, aammalu allannguutaasinnaasut suliniutini aallartereersuni, tamakkiisumik suliarineqanngitsuni, nukissanik atuilussinnarnermik kinguneqannginnissaat.

Suliassat 2018-imi naammassineqanngitsut 2019-imi naammassineqassapput aammalu 2018-imut aningaasaliissutaasunit akilerneqarlutik. Suliniutit 2019-imi aningaasaliissutaasunit aningaasalersorneqartut, 2019-imi aallartittussanngorlugit suliarineqartussanngorlugillu piaartumik pilersaarusiorfigineqassapput.

Illut nutarsarneqarnissamik pisariaqartitsisut sinneri atuisut suleqatigalugit nassaarineqarput, pilersaarut tassaavoq, atuisunik suleqateqarluni ukiumiit ukiumut suliassanik nalilersueqqittarnissaaq, tamatumani pilersaarusiornermi atuisut pisariaqartitaat tunngavilersuutaallu ilanngunneqartassallutik. Taamaalilluni teknikkikkut misissueqqissaarnissamut TAI piffissaqalissaaq.

Siunertaasoq tassaavoq, ukiunut tulliuuttunut aningaasaliissutaasut piffissami sivisunerusumi atortulersuutinik illunillu paarinniinnarnissamut atorineqarnissaat.

Innersuussut

Teknikkimut Avatangiisinullu Immikkoortortap Teknikkeqarnermut, Aatsitassarsiornermut Avatangiisinullu ataatsimiititaliamut kingusinnerusukkullu Aningaasaqarnermut Ataatsimiititaliamut innersuussutigaa:

1. Ilanngussaaq 2 naapertorlugu 2018-imiit Sisimiuni TAI ataani Nutarsaanissamut aningaasaliissutinut ukiumoortumik aningaasaliissutaasunit 8,8 mio. koruuniusunit agguataarinissaa akuersissutigineqassasoq.
2. Suliariumannittussarsiuussereernerup kingorna neqeroorutaasut missingersuutinik naapertuutinnippata, missingersuutit tamakkiisut sinaakkutaasut iluanni TAI naligiissarisinnaaneramik pingaarnersuisinnaaneranillu suli pisinnaatinneqassasoq. Missingersuutaasunit nalimmassaanerit pingaarnersuinerillu Sisimiuni TAI-mit nutarsaanissamut aningaasaliissutaasut iluanni ingerlanneqartassasoq.
3. Takuuk ilanngussaaq 1, nutarsaanissamut aningaasaliissutinut missingersuutaasunit suliniutit killiffiat paasissutissatut tiguneqassasoq.

Aalajangiineq

Akuersissutigineqarpoq.

Ilanngussat

1. Nutarsaanissamut aningaasaliissutit, 2018-imi malitseqartitsineq.
2. 2019-imit 2022-mut nutarsaanissamut aningaasaliissutinit agguataarinissamut innersuussut.

Imm. 10 Tamalaat

Karl Davidsen – Maniitsumi qaqugu asfalterisoqarnissaanik apeqquteqarpoq.

Frederik Olsen – Sisimiuni eqqaaviit imaarneqarneq ajortut allaffeqarfimmut misissugassanngorlugu suliakkiutigivaa.

Jakob Olsen allakkatigut apeqquteqarpoq containerit qaavannut ilioraasarneq qanoq ileqqoreqqusami inatsiseqarnersoq.

Ataatsimiinneq naavoq nal. 10.01